

Ն. Ս. Օ. Տ. Տ. ՊԱՐԵԳԻՆ Բ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ՈՒՂԵՐՁԸ ԱՍՆՆՈՐԻ ԱՌԻԹՈՎ

(31 դեկտեմբերի, 2019 թ.)

Սիրելի բարեպաշտ ժողովուրդ ի հայրենիս եւ ի սփյուռս,
Ամանորի տոնական այս երեկո Մայր Աթոռ Սուրբ Էջմիածնից
Հայրական սիրով Մեր օրհնությունն ու շնորհավորանքներն ենք
բերում ամենքիդ:

Ամանորը ժամանակի յուրօրինակ սահմանագիծ է հնի եւ նորի, ան-
ցյալի եւ ապագայի միջեւ եւ առիթ՝ գնահատելու անցած ուղին, արար-
ված լավն ու բարին, թույլ տրված սխալները, որովհետեւ դրանց անկեղծ
ու շիտակ գնահատականն է պայմանավորում այն տեսլականն ու ակն-
կալությունները, որոնցով մուտք ենք գործում 2020 թվական:

Անցնող 2019 թվականը պետական կյանքի վերակազմակերպման,
նոր ծրագրերի եւ իրագործումների ժամանակ եղավ: Հայրենական, ազ-
գային եւ հոգեւոր մեր անդաստանում ունեցանք հաջողություններ: Դրա-
կան իրագործումների կողքին տակավին առկա են հրատապ լուծման
կարոտ խնդիրներ եւ նոր մարտահրավերներ, որոնք պահանջում են մեր
ողջ ժողովրդի համատեղ ջանքն ու աշխատանքը: Յուրաքանչյուրիս ծա-
ռայանվիրումի ոգին, պատասխանատվությունն ու դավանած արժեք-
ներն են, որ պիտի իրական դարձնեն հզոր հայրենիքի, պայծառ ապա-
գայի մեր տեսիլքները:

Նոր տարին նոր սկիզբ է մեր կյանքը նորոգելու եւ վերելքի ուղիներ
բերում հաստատուն պահելու: Մենք բոլորս պատասխանատու ենք մեր
ապրած յուրաքանչյուր օրվա եւ տարվա համար: Պատասխանատու
ենք Աստծո, մեր պատմության, մեր նախնյաց եւ սերունդների առջեւ:
Հայրապետիս հորդորն ու պատգամն է, սիրելիներ, որ այս գիտակցու-
թյամբ անենք առավելագույնը Հայաստանն ու Արցախը հզորացնելու,
մեր կյանքը խռովող երեւույթները փարատելու, ամրապնդելու համե-
րաշխության ոգին մեր հասարակության մեջ եւ ազգային մեր կյանքում՝

միասնականությունը: 2020 թվականը հայրենաշինության եւ ազգային կյանքի պայծառացման տարի դարձնենք միմյանց հանդեպ սիրով, ամեն բարու մեջ մեր նախանձախնդրությամբ եւ միշտ ապավինելով Աստծուն. քանզի ինչպես սաղմոսերգուն է ասում,— «Տերը մոտ է բոլոր նրանց, ովքեր կանչում են Իրեն, բոլոր նրանց, ովքեր կանչում են Իրեն ճշմարտապես» (144:18):

Ամանորի այս հուսառատ պահին Մեր ջերմ բարեմաղթանքներն ենք բերում ամենքիդ՝ պաշտոնյա, գործարար, մտավորական, արվեստագետ, հողի մշակ ու աշխատավոր, բոլոր բոլորիդ, ում ջանքերի, հավատքի, նվիրումի շնորհիվ զորանում են կամքն ու վճռականությունը կերտելու մեր հայրենիքի ու ժողովրդի անկասելի առաջընթացը: Հայրապետիս սերն ու բարձր գնահատանքը՝ Հայոց բանակի քաջարի յուրաքանչյուր զինվորին: Մեր աղոթքն ու օրհնությունը՝ նոր տարին ծառայության մեջ զիմավորողներին եւ այս պահին ընտանեկան օջախից հեռու գտնվողներին:

Աղոթենք միասնաբար Մերձավոր Արեւելքում դժվարություններ դիմազրավող մեր ժողովրդի զավակների, նաեւ նեղության մեջ գտնվողների, կարոտյալների, հոգով եւ մարմնով տկարների համար: Մեր աղոթքը բարձրացնենք աշխարհի խաղաղության համար՝ հայցելով, որ Բարին Աստված Իր Սուրբ Աջի ներքո պահպանի մեր հայրենիքը, մեր ժողովրդին ի սփյուռս աշխարհի եւ արդյունավորի Հայաստանի եւ Արցախի մեր իշխանությունների ջանքերը դարերով փայփայած անկախ պետականության զորացման ճանապարհին:

Թող Փրկիչ մեր Տիրոջ սերն ու առատ շնորհները միշտ ձեզ հետ լինեն, հովանի՝ ձեր կյանքին եւ ձեր ընտանիքներին:

Շնորհավոր նոր տարի:

